

杭州中華基督教青年會導遊社專刊

杭州遊覽手冊

雷法章題



葉華荼編

(再版)

杭州遊覽手冊

杭州中華基督教青年會出版

74139

序

王揆生

杭州西湖爲我國第一名勝，千百年來國人無不以一遊爲快。卽國際人士之遠道前來覽勝者，自元代馬可孛波以還，與年俱增，今且益盛。杭州中華基督教青年會於抗戰勝利後復興伊始，鑒於中外人士及各地青年會會員來杭遊覽湖山者之激增，故於社會服務部內附設導遊社，非營業貿利也，乃爲減少遊客生疏之苦，而增加其遊覽獲益及考察便利故也。除蒐集有關浙江杭州西湖各種書籍資料，特爲分別陳列以便閱覽外，茲復編輯本書名曰『杭州遊覽手冊』，以代嚮導講解之繁。查杭州西湖遊覽指南之書，種類甚多，其佳者固不少，但多失之瑣雜冗曲；不知遊客多數只能有一二日之逗遊者，不能亦不需遍覽全境。本書之作卽以此種之遊客爲對象。夫欲節省時間勞力而求其最低限度之遊覽行程，幾爲不可能之事，誠無法可令人滿意。但倘只有一二日短促時間在杭者，不能謂其無可遊或無可看也。是以提綱挈領，去繁除蕪，求其簡明之指導，或亦遊客所樂聞者乎。本書既非專志，亦非指南，只大體上就杭州之史地、名勝、宿食娛樂、交通、特產等

，限袖珍本五十餘頁半小時以內可閱畢之編幅內，作扼要簡明之介紹，故不名之爲導遊，而曰手冊。邇來遊客中多有來會查詢本地教會或本會狀況者，爰附杭州之基督教及本會兩章，以爲解釋。書末書目，所以便研究參考。併附空白數張以供雜記。

本書出版時適逢中華基督教青年會全國第九屆幹事大會在杭州玉皇山開會，與會代表來自天南地北，集合於湖上之名山，爲抗戰勝利後，初次之敘集，不可謂非盛事。本會誼屬地主，謹以此書之初版作爲大會紀念冊，以贈送與各地嘉賓，聊表歡迎之微忱。書既出版而索閱者衆，故爲再版，以公同好。

此書由本會副總幹事葉華棻牧師編撰。葉牧師治歷史及人類學，向居海外，頗有聲譽於國際學術界。此次於一週內趕期成稿，不謂不捷。但錯誤遺漏，勢所難免，然本書爲嘗試，故亟待指正，總冀此後再版時有所增補訂正，俾能臻於美備，以符本會服務社會之宗旨。博雅諸君，進而教之，尤感幸無涯矣。

中華民國三十六年十月一日王揆生序於杭州中華基督教青年會總幹事室。

杭州遊覽手冊

國父遺訓

目次

歡迎詞

序

杭州簡圖

浙江杭州與西湖

遊覽行程與應看何物

杭州名勝古蹟簡志

杭州之宿食娛樂

杭州之交通

杭州之特產

杭州之基督教

杭州中華基督教青年會

杭州簡要地址錄

書目

備記

(頁)

一

一一

一四

二七

三二

三四

三六

四四

四八

五三

中華基督教青年會二十五週紀念會勉辭

青年會者乃以團體而服務個人者也

。合千萬完全人格之青年，爲一共進互

助之團體，諸君之責任重矣。統觀中國

今日之團體，其結合之堅，遍布之廣，

發達之速，志願之宏，孰有過於中華基

督教青年會乎？余既有望於青年會之深

，而不禁勉青年會諸君之切也。諸君既

置身於此高尚堅強宏大之團體，而適中

國此時有倒懸待救之人民，豈不當發其

宏願，以救此四萬萬人民，出於水火之

中而登維席之上乎？中國基督教青年會

其勉旃！毋負國人之望！

一 浙江杭州與西湖

浙江省以境內之大川浙江（今稱錢塘江）而得名；浙者折也，潮出海，曲折而倒流，故名；山海經記大禹治水至浙河，莊周曰，浙河之水，濤山浪，雷擊霆砰，有吞天沃日之勢者即是。上古爲揚州地。夏禹周行天下，歸還大越，登芳山，改其名曰會稽，以會諸侯；會稽即今紹興，禹王墳在焉。時防風氏因後至而被誅，防風國即今湖州地。少康帝時封少子無餘於越，是爲本省稱越之始。春秋時越國已顯露頭角；勾踐之世，國境南至今之諸暨，北至今之崇德，東至今之甯波，西至今太湖。吳王夫差滅越而卒爲越所滅；最後則併亡於楚，計其傳國不下一百一十三年焉。此中歷史，佳話不少，若外交家伍子胥之哭師秦庭，若載山（在今紹興城外）之『臥薪嘗膽』，若傾國女郎西施之『進忠退孝』，若義臣范蠡文種之『十年生聚十年教訓』，皆千古美談，而亦本省上古史上最生色，最光榮之一段也。中古之後，文物蔚起。晚唐置浙江東西兩道，『浙江』二字始正式成爲名詞，而習俗所稱之『兩浙』，亦淵源於此；浙江東道有越明台溫括婺衢睦八州

，西道則有湖蘇（指今嘉興境）杭三州，合計之爲十一，爲明清省境分十一府制之胚胎。唐末中國大亂，錢鏐建國於杭州曰吳越，號武肅王，傳五世凡九十八年，始統一於宋。宋時浙江文化已盛，蘇東坡之仕守杭州也，爲西湖生色尤不少，蘇堤卽其所建者也。公元一一五九年金兵南犯，高宗遷都於杭州，改名曰臨安，是爲南宋。中國京城設在此者歷一百五十二年至於宋亡。元初改制分中國爲十一行省，有江浙行省者，本省亦包括於內。明初改劃爲浙江行省，分置十一府，清因其制，以迄民國。今全省有一市七十六縣，省會仍設杭州市。

本省地勢因南嶺餘脈自閩邊陡降海邊，故西南高而東北低。面積一〇二・二八一方公里，爲我國除台灣東北外最小之省份。人口二〇・四四七・三〇四人，中有畚族散居南部山中。語言則杭州附近用杭州官話，浙西通行松江話，東部沿海用寧波話，溫州等處各有其特殊方言。物產豐富，茶絲酒火腿木器等均極有名。

杭州市面積二五一方公里，人口四二四・三五六人，爲華東文化工商重鎮，兼以西湖聞名於天下，故有『花園都市』之稱。相傳夏禹治水至此，溪壑潌回，

乃造杭以渡，嘗於此處登陸，越人思之，因名其地曰杭；杭者方舟也。秦始皇統一中國，建縣治於此曰錢塘。時海潮爲患甚烈，有謀築塘者，而泥遠難致乃堆錢於塘，出令曰限三日饋泥一担者易錢千，衆觀望不信；明日又號於衆曰泥一担錢二千，衆稍稍至。然得泥猶不及千担。至三日，又增其值曰以十千易泥一簣。全城如狂，無論老幼皆荷泥而至。及暮，錢亦匱，至者猶繼續不已，乃曰吾回限日，未嘗謀夜，今雖有泥，無所用之，胡不負歸。衆大失望，盡棄其泥於江干，頃刻間積堆成塘。西漢仍稱爲錢唐縣。後漢廢縣治，歸併入餘杭。隋文帝改名曰杭州，是爲『杭州』一名正式稱用之始。煬帝改爲餘杭郡。唐以唐爲國號，改唐爲塘，仍稱錢塘。五代梁置爲仁和縣。十國時武肅王錢鏐建吳越國，奠都於此，稱爲西府，又稱鎮海軍。宋初仍稱杭州，以錢塘仁和爲首縣。高宗南渡，遷都於此，稱曰臨安府。錢氏五王，南宋七帝，均建都於此。元改稱杭州路。明稱杭州府。清因之，以杭州爲浙江省會，爲十一府之一，轄縣九，卽仁和錢塘富陽新登餘杭臨安於潛昌化海寧。民國廢府，併仁錢二縣曰杭縣，仍爲省治。十六年五月改稱杭州市。今市區以外仍置杭縣。

杭州一名虎林，唐初避諱改爲武林，今西大街一帶猶稱武林門，而祖山寺內高不逾丈之土阜俗呼祖山者，又稱之爲虎林山。據傳萬松嶺有虎傷人，閭里患之。有老人者自告奮勇，徒手入山撲虎。老人揚手而虎仆地，又揚左手虎遂不動，擒之虎已斃。問其故，老人曰是沙虎也，蓋鯊之所化，故周身堅甲，不畏水火刀劍，獨雙目柔脆，吾得攻其隙耳。言已仆地大嘯，化虎而去，鄉人念其德，葬其衣蛻，故曰虎林。此種地方民俗傳說，類皆草萊初闢時代之遺傳，頗有趣味也。

杭州四郊之地文與地質頗可說明此地古史之背景。杭州城南北四公里半，東西二公里七，羣山環繞其西，狀如灣月，城居灣口，西湖居其中，錢塘江臨其外。此羣山嶺何所起乎？曰皆由南嶺餘脈之仙霞天目等山蜿蜒而來，至市西入境爲靈隱天竺，更分爲南北二支，北支延爲北高峯玉泉山砲台山秦亭山棲霞嶺葛嶺寶石山及西湖中之孤山。南支東延者有白雲峯獅子峯南高峯大頭山大慈山玉皇山九曜山南屏山，入城而爲吳山。以言地質，今西湖北岸之山，自保俶塔而西，總稱曰葛嶺，拔海一百二十公尺，山形奇突怪石纍纍，與隣近諸山異。石中有石英微粒，閃爍若有光，其東端且有赤綠碧玉，故俗呼曰寶石山。山之南端渡湖爲孤山

。此皆火山岩流與噴出岩塊積成之厚層，復被侵蝕風化所致，其地層屬白堊紀，西湖有此地層僅此而已。葛嶺迤西接北高峯，飛來峯，天竺山，南高峯，丁家山，折經九曜山，玉皇山，南屏山，紫陽山，而至於萬松嶺及吳山城隍廟一帶之丘陵，皆二疊紀棲霞灰岩所成；而此外之山脈則屬泥盆紀砂岩層。前者之地層環峙湖之南西兩面，峯之高者輒在二百三十至三百五十公尺之間，使吳山萬松嶺外之狹長江干地帶迫臨於大江。在新生代第四紀更新期將末時，江流沿岸與邱陵之間往往有赭土充填，久之乃成堦地，今六和塔附近所見者，卽其一例。約當冰河期之末，海水普遍上長而內侵，止於山陵邊緣，於是海濱低地及江河下流悉遭沉沒成爲海洋。天目山與皖浙界嶺之間成爲大海灣，天目山與杭州以西諸山之間亦爲一大海灣，而錢塘江與揚子江各有泥沙輸送入海，經海浪之捲陶淤積於岬前與灣口，間且填塞而封閉之，內部之水乃變成潟湖。此沉積作用歷久之後漸有陸地浮露海面。至人史時期之初，杭州灣之沙灘與水下沙洲，仍有巨大遷移之變。自秦漢至十一世紀宋時，錢塘江水道自今南星橋附近直向正東至今海寧縣境高陽山一帶始入海；嘉定十年之捍海塘，規模宏大，唐貞觀四年及開元元年均曾重築之，

但此中古水道今已成爲陸地矣。不唯如是也，由今澈浦直伸東行至東海中之玉盤山島之杭州灣洋面，乃上古至唐開元卽公元八世紀間浙東之海岸線，其陸上曾有巨邑曰顧郛城，約當今湯山燈光山以南洋面。稍偏其南尙有望海城者，建於唐開元五年，後復於其西建後期之望海鎮，公元一千年時尙存，至宋時全部陷於海焉。因於濱海陷溺之故，今海鹽縣沿岸多處會有春秋時代陶片之發見。滄海桑田，自古已然。由於地質時期長久之沖積作用使我國揚子江下流之數口，（或云公元始期時有三口），成爲今日蘇浙大平原。今日杭州沖積平原與杭州灣大致亦如是形成，其所予杭州之兩大特殊景色，一曰西湖，一曰錢塘潮湧，是也。

西湖原爲小型海灣，已如上述，灣口既經沙堤阻塞乃成潟湖。杭州傳說古代湖海相通，今西湖北岸大佛寺內之大佛頭石，相傳爲秦始皇泊舟之處，故稱曰『秦始皇攬船石』。時杭州半在水底，而原始（秦初？）之錢塘城乃建於今靈隱飛來峯一帶之山坡上，亦以地臨海灣而有舟楫之便故也。觀乎此則可知直至人史中古之世，杭州沖積平原海潮爲患之仍烈，非無因也。

杭州海潮之患，歷千餘年至吳越錢武肅王建塘後始息。此中有不少佳話。相傳春秋時伍子胥累諫吳王忤旨，王賜鏹劍而死。自殺之日，戒其子曰：抉吾目於南門，以觀越兵來伐吳，以鯁魚皮裹吾屍，投於江中，吾當朝暮來潮以觀吳之敗。自是錢塘江潮汐洶涌，高數百尺，朝暮再來，其聲震怒，雷奔電激，聞百餘里。吳人哀其慘死，憐而祀之，建祠於今吳山（卽城隍廟山）上，名之曰胥山。越臣文種誠於越而伏劍於山陰，越人哀之，歸葬於重山，一年後，子胥從海上來負種俱去，游夫江海。故杭人視潮水之前揚波者爲伍子胥，後重水者文大夫種也；更傳時見子胥乘素車白馬在潮頭之中。五代梁開平四年八月錢武肅王鏹築捍海塘，時怒潮急湍，晝夜激盪，版築不就。王表告於天曰：願退一兩月之怒濤，以建數百年之厚業。禱吳山子胥祠曰：願息忠憤之氣，暫收洶湧之潮。函詩一章置海口云：傳語龍王并水府，錢塘借與築錢城。因採山陽之竹，令造爲箭三千隻，羽以鴻鷺之羽，飾以丹珠，鍊剛火之鐵爲簇。旣成，在候潮門，用葦敷地，分箭六處，祭禱曰：鏹以此丹羽之矢，射蛟滅怪，竭海枯淵，千精百怪，勿使妄干，惟願神君佐我助我，令我功行早就。禱畢令強弩五百人以射潮頭，人用六矢，每潮

一至，射以一矢，射至五矢潮乃退。王令埋餘箭於候潮門浦濱，鎮以鉄幢，誓云：鐵壞此箭出。又破大竹爲籠，長數十丈，中實巨石，取羅山大木長數丈者植之橫爲塘。又以大木立於水際，去岸二九尺，立九木，作六重，由是潮不能攻，沙土盈積塘岸益固。自是杭州無土地被浸蝕之患，而瀟衰之地盡成沃壤，民食有賴。考唐以前杭因潮患，水泉鹹苦，刺史李泌爲鑿六井，民始足用，今中正路井亭橋畔大東書局前，尙存此井遺蹟一處，路過時請注意之。

杭州城原在靈隱山麓，乃錢塘故城。漢魏之世今北郊錢塘門一帶已成都市，故曾建城爲治。

今杭州城則創建於隋陽素，週圍卅六里餘。錢武肅王時命築新夾城，環抱包氏山及秦望山而迴凡五十里，皆穿林架險而築，南至今之六和塔，西至今之雷峯塔址，北至今之艮山門外無星橋，城形南北展而東西縮，故曰腰鼓城，所闢十門，有朝天門者在吳山下，後改名曰鎮海樓卽今碩果僅存之鼓樓。王又發民夫二十萬及十三都軍士築羅城，自秦望山東亙江干及錢塘湖等，周七十里地盡入城內。南宋遷都臨安，增築禁城，今之候潮艮山清波等門之名始於此。旋復築自艮山門

至螺獅門以東，視舊則拓開三里，而絡市河於內；自侯潮門以西則縮入二里，截鳳山於外。明太祖起兵時，杭守將潘原明以城內附，遂因之爲省城；而有清泰，錢塘，武林等門之名。清初防倭寇，曾大事增修，然大體仍舊。民國初年拆城爲路，今殘存遺跡不多矣。

運河與萬里長城爲我國兩大工程奇蹟，亦地球上之偉觀。運河北起北平東郊之通州，南止於杭州，而聯運至紹興。查運河自嘉興南下，至杭州市北郊西鎮經拱宸橋而入城，西鎮爲隋煬帝江南大運河之初站終點，其水面之寬深，頗足代表我國文化及人力之偉大，蘇常嘉湖上海各處商船皆經此直達杭州。城內運河水道數條如鹽橋運河，菜市河卽河東運河，市河，西河等皆是。蘇軾知杭時，曾濬城內運河，分受湖水江湖，並造堰閘，以時啓閉，民甚便之；東坡不朽殊不盡在蘇堤煙水間耳。

西湖原名錢塘湖，歷代由傳說及文人之追加，故有明聖，金牛，石涵，放生，西子，高士，西冷，銷金等湖之稱。唐以前無聞。白居易任杭州刺史時，始築堤捍湖，鍾洩其水以灌溉北郊平原，無異一大水庫。錢武肅王重水利，置撩湖兵

千人專司開濬。蘇軾時亦爲灌溉計，大事修整，積葑草爲堤，橫跨兩岸，植柳夾道，成爲勝景。南宋建都杭州後，冠蓋雲集，笙歌金粉，繁華爲國中冠，盛名始傳遐邇。清初康熙乾隆兩帝先後數幸，遂益噪。太平天國亂中，勝蹟悉遭毀壞；數十年來次第恢復，今且馳名全球矣。今湖週三十餘里，面積約十六方里餘，北西南三面環山，谿谷縷注，下有淵泉，瀦而爲湖。白堤聯絡大陸與孤山，分斷內外兩湖。湖水視甚淺，然積泥甚厚，莫測底之深淺，俗有香灰泥之稱。欲觀全湖形勢，莫如登葛嶺之巔。

一般論西湖風景名勝者，輒分之爲若干區，例如沿湖、孤山、葛嶺、北山、南山、吳山、江干、西溪、城市各區。宋畫院祝穆馬遠創『西湖十景』名目，曰蘇堤春曉，雙峯插雲；柳浪聞鶯，花港觀魚，曲院風荷，平湖秋月，雷峯夕照，三潭印月，南屏晚鐘，斷橋殘雪；康熙帝南遊時，各賜御題勒碑，十景之名籍以不沒。他如元人之錢塘八景，清儒之西湖二十四景，近人之西湖四時，今日視之，多皆未盡洽切。

西湖名刹中歷史年代最早者如靈隱寺，創建於晉；清漣寺建於南齊，淨慈寺建於後周，定慧廣化鳳林等寺皆建於唐，吳越遺物則有寶俶塔，夕照韜光理安等寺。凡此種種皆千年左右之古蹟也。

二 遊覽行程與應看何物

關於西湖遊覽行程，坊間導遊指南等書所擬之方式紛多，可資參考斟酌。本章之建議，乃以遊客最多僅有一二日逗留者爲對象；故欲其能於短促時間內，盡量遊覽最多處不可不看之名勝古蹟也。此種要省時力而求最低限度之行程，誠不易定，更無法能使人完全滿意；遺漏不周，勢所難免，尙請鑒諒。倘遊客能久留而繼續遊覽者，可照本章所暗示者、擴而大之。各名勝古蹟之說明，請參閱下章簡志。

遊覽西湖者，無不以先觀湖上風光爲快，故輒欲以泛舟爲急。泛湖玩水以湖濱路第一二碼頭爲出發及回抵點，雖曰廣漫可玩，但至少應遊三潭印月，湖心亭，而至孤山島之中山公園一帶登陸。僱舟費用，近市政府有規定，懸牌碼頭上，可一查之。尙有充裕時間可由三潭印月向西航過蘇堤之橋遠遊蔣莊劉莊等處。

若遊客欲兼有遊湖及覽勝兩益者，莫如於清晨趕乘永華公司之公共汽車，由

中正路商務印書館左旁之該公司總站出發，直往最遠之靈隱寺飛來峯三天竺一帶遊覽。或可登韜光北高峯。歸途順便至玉泉清澗寺觀魚，折返岳墳瞻謁武穆陵廟，然後步行經秋瑾女俠墓、蘇小小墓，過西泠橋至孤山島參觀廣化寺，西泠印社，（樓外樓等名館在此可供午餐），省立圖書館看四庫全書，中山公園，（或下後山觀林和靖墓及放鶴亭），西湖博物館，（或平湖秋月）。在中山公園前可僱舟泛湖直往湖心亭三潭印月，（或蔣莊劉莊），直返湖濱路碼頭回寓。此行程可於一日內完之。

第二日行程。（甲）或由白堤頭之昭慶寺下車，遊覽裏西湖之大佛寺，寶俶塔、葛嶺初陽台，黃龍洞，紫雲洞，棲霞洞，香山洞，而至岳墳。（乙）或在英士街乘公共汽車往錢江邊之六和塔（或更遠之九溪十八澗），遙望錢江大鐵橋。歸途至虎跑寺下車，一看該寺，若有時間，可步行至四眼井攀登玉皇山，看福星觀，改由大道下山，至紫來洞，遠看山下平原之八卦田及江干海灣。下山後二三里至大路，或可順便看雷峯塔墟前之淨慈寺及夕照寺等，否則僱車入市回寓。入市途中左湖右山；山名萬壽，有城牆遺跡，南宋皇宮故址也；湖邊有唐宋回回教